

Na osnovu člana 16. stav 2. Zakona o Vladi Zeničko-dobojskog kantona-prečišćen tekst („Službene novine Zeničko-dobojskog kantona“, broj 7/10), a u skladu sa Odlukom Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine broj 01-14-11/14 od 04.09.2014. godine o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće, Vlada Zeničko-dobojskog kantona, na prijedlog Ureda premijera, na 188. sjednici, održanoj 23.10.2014. godine, d o n o s i

ODLUKU

o odobravanju sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona

Član 1.

(Predmet)

Ovom odlukom odobravaju se sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, usmjerena Zeničko-dobojskom kantonu za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona.

Član 2.

(Sredstva za pomoć)

Sredstva u iznosu od 600.000,00 KM dodjeljena Zeničko-dobojskom kantonu, raspoređuje se poslovnim subjektima po okončanju Javnog poziva za odobravanje i dodjelu finansijskih sredstava iz Federalnog fonda – pomoći namjenjenih saniranju dijela direktnih šteta usljed poplava kod poslovnih subjekata, raspisanog od strane Ministarstva za privredu.

Član 3.

(Realizacija odluke)

Sredstva za realizaciju ove Odluke uplaćena su od strane Federalnog fonda za pomoć nastradalim od prirodne nesreće na teritoriji Federacije Bosne i Hercegovine na budžetsku organizaciju 1101001 - Ured Premijera.

Za realizaciju ove Odluke zadužuje se Ministarstvo za privredu, Ured Premijera i Ministarstvo finansija Zeničko-dobojskog kantona, svako u okviru svoje nadležnosti.

Član 4.

(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/14

Datum, 23.10.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured Premijera,
1x Ministarstvo finansija,
1 x Ministarstvo za privredu,
1x Stručna služba Vlade,
1x „Službene novine Zeničko-dobojskog kantona“,
1x a/a.